

# 梧溪集

卷五

緣



楊溪集

卷五

解

梧溪集卷第五

江陰王逢原吉

哀尹伯奇一首寄楊鐵厓

又序

鐵厓楊先生嘗錄寄擬古操十且徵同賦逢豈敢當  
姑哀尹伯奇一首荅之今附其四操其箕山操擬巢  
父作曰箕之山兮可耕而樵

叶四

箕之水兮可飲而

游牽牛何來兮飲吾上流彼以天下讓兮我以之逃

叶投

世豈無堯兮應堯之求吾與堯友兮不與堯憂

其前旌操擬衛壽伋作曰爾乘舟兮河水濁且深我

同舟兮誓與爾同沈母有命兮諫不我聽示旌以盜  
兮我先以旌衛有國兮國在兄殺兄及我兮我不如  
無生其履霜操擬尹伯奇作曰霜鮮鮮兮草芟芟兒  
有罪兮兒宿野田衣荷之葉兮葉易穿採楸花以食  
兮食不下咽天吾父兮天胡有偏我不父順兮父寧  
不見憐履晨霜兮泣吾天其殘形操擬曾子作曰我  
夢有獸兮其獸曰狸狸有怪兮身首異而告我以凶  
兮戒而戒而我上有首兮誓死完以歸逢辭曰

此屋可封兮孝微稱重華大孝兮後莫有承孝後母兮

伯奇權輿彼亭亭兮天將用符晨霜涉兮尚俾寧遺軀

擬古二首寄題金陵林氏永思堂

春陽熙熙從侯于淇祿積萬鍾車服是維彼淇有源伊  
誰無親負米爲養曾不滿豆殮淇水委委霜露塵塵載  
望故丘心曷能已 右擬子路作

秋日杲杲有培者棗載見之華及實之老言采于庭於  
粲于筐參也可嗜考也可忘口奉惟薄體愛惟厚庶幾  
全歸狐正丘首 右擬曾子作

張氏通波阡表辭

有序

張氏宋丞相商英裔也高宗渡南子孫遂居杭之菜  
市八世祖某遊松愛干山櫻珠灣家焉六世祖八七  
居士又自灣遷鳳山陽祥澤匪躬職農畝奉親孝生  
通儉朴恬慎事繼母猶所生子遇冬雪掃隙地撒粟  
以食凍禽翔集者千數通往來慈烏或有翼而隨者  
壽九十三生顯博閱書傳尤精梵典及星歷山經地  
誌之學攻苦罄澹如父風與儒釋倡和詩偈若干首  
傳於鄉壽八十四生俊廣頽豐耳美髯鬚音吐如鐘  
涉子史學長於刑書中慈而外剛見善若嗜欲惡則

視如仇然鄉閭以其拂諾爲曲直人負不平不之邑  
而之俊咸稱之曰張片言尤好施振貧救難鑿義井  
造義舟建大石梁者三壽七十生三子愷悌瑤愷生  
子曰龍曰鳳悌生子曰興曰琤瑤謙厚長者卹護一  
方生子曰麒女曰妙齡適盧祥龍生宗仁宗禮鳳生  
宗義興生英麒生斌桓麒讀書好禮以宗譜未脩懼  
喪亂之餘彌遠彌失乃卽祖冢通波之原徵前進士  
會稽楊公維禎爲阡表復徵逢撰家廟辭勒之碑陰  
可謂知所本也夫積善慶澤流行五世迨麒緒業益

脩華聞益著公侯復始於是乎在辭曰

鳳之秀兮維陽盤渦狀兮萃嘉祥田膏壤沃兮物無疵  
癘天祕地藏兮鬱鬱吉岡暑寒兮露雨甘有醴兮肥有  
粢紛頌白兮降登蘭忻忻兮玉語語雲陰凝兮風淒色  
悅凍禽兮下粒食伐石剡木兮以梁以舟民免揭厲兮  
鯉擾馴安流眷門閭兮宋相裔德深植兮善廣藝顧無  
往兮不復被服纓袞兮再世其世

荒寒寂寞圖爲分湖陸緒端叔題

風捲蘆水返壑天同雲兮雪雰落彼何人兮斯旅泊樂

夫荒寒寂寞惟寂寞遠囂郭惟荒寒謝朝冠于以終盤桓

濯足小像辭

有序

天台陶氏九成

宗儀

號南村居士明經博學養高雲

閒予甚友善嘗爲贊騎牛像曰望一男子冠裳清灑  
有青其犍騎之林下於時白雲冒嶺黃落被野後則  
加鞭前則執靶雖心乎甯田官而於齊小白爲曠世  
之交雖跡乎梁進士而於高無賴無半面之雅蓋將  
德業上山富貴土苴尚友飲水上流之樊父度關西

游之老者也歟今是像復題辭云

水漉漉其流爲谷爾濯爾足載捫爾跗兮無朔漠之瘞  
谷沈沈其水則淺爾足爾澣載撫爾踵兮無關山之跂  
維沐彈冠兮維浴振衣敝屣忍棄兮疇知幾微孺子設  
作兮滄浪同歸

審安齋二首

有序

顧或孔文扁齋廬曰審安予爲賦詩揭座左右以儆  
焉

有皎者駒刷朝秣哺置之通衢弗蹶弗瘖子其驅有華

者衣長珮帶垂蒙犯煙墜以垢以緇子其辭噫富貴儻  
來尚相夫宜兮

有圭者窬蒿蓬其居風雨攸俱四壁以虛而子晏如有  
礲者田勞力其千兵荒無年飢石以眠而子恬然噫貧  
賤不遷斯樂夫天兮

知愧吟一首

日吾齋兮書琴夕吾園兮冠衿冬游熱兮春載陰薜絡  
塤垣兮菌彌中林弧無弦鏞兮天狼角岑屯泣旅瑣瑣  
兮楚音越吟啜醢于觥兮作糜于糝奚弗知愧兮猶有

蓬心

後最閒園辭

園中雜題附

天工覆兮地工載予最閒兮臯之大喪亂仍兮婁栽悔  
才力耗兮壯志怠霜露氣變陰草木流哀音淵逃蘋尾  
魚野啄毵毛禽弗嘅以慷兮而歎且吟斯吟歎兮樂哉  
恆心

有藻兮綠池類雞蘇兮葉華滋彼袞摘兮枕施予芼  
湘兮祖禰其祠月中天兮夜何其尚日新兮致思

右藻

德池

蛾睂兮曼睂聯翠袖兮湘澳有夫君兮配天淚奚必  
兮染竹水落兮歲晚子倚石兮茲坂手參差兮長年  
鳳不同兮愈遠

右懷湘坂

鳥下上兮和鳴花醞醇兮交榮日奄忽兮曾幾花就  
實兮鳥鷖鷖鳥鷖兮魚亦有鰕幽草芳氣兮嘉藻  
綠滋世有殷周兮麥秀黍離墟傷道閔兮隘者其誰  
白駒考槃兮予淑諸私

右樂意生香臺

谷之小兮不量駝馬谷之卑兮不樹梧櫟谷之僻兮  
庸衆攸舍散木蒼蔚兮亂石紺閭庶全幽貞兮日尚

羊其下 右幽貞谷

鑠石兮金流汗與喘兮莫匪馬牛古苔畝青兮岡木  
挺脩涼飈沃如兮心神天游天無獨私兮馬牛其休  
右濯風所

雲結兮歲殘木脫兮草乾天地坯塞兮冰雪冱寒閉  
關而臥兮莫敢士干莫敢干兮安所守也士之周兮  
亦可受也 右臥雪窩

中園兮溝斷跨石梁兮入竹坂春雨歇兮綠苔滿桃  
嗤霞兮蒲刺水短忍濯足兮釣言消憂翠碧交飛兮

天宇淨流境則勝兮終不如故丘

右流春石

石巖若兮嵌蒼勢迴瞰兮扶桑脫神鞭兮旣驅將與  
延兮朝光霧縠維朝兮機熒維夜草春怒長兮陰木  
翳夏穹日觀兮東岱邈雲臺兮西華天風泠泠兮空  
翠吹下靈或胥降兮攝衣擬謝金雞鳴兮於焉夙駕  
右海曙巖

激懷三疊

有序

柘湖章仁正氏敦善禮士有琴一其陰贊曰淳風雖  
邈正聲可招激懷而作太古非遙予嘗掇激懷顏其

樓居前進士錢公思復記之且屬予三疊辭俾弦而歌云辭曰

伊美人兮好脩表嘉名兮茲樓謝璇題兮蘭橈帶蔬畦  
兮稼疇虹霓飲兮柘津魚驚安兮橫湫山迢迤兮屏列  
木翹秀兮幄周琴一疊兮旭旦神超然兮天游

惟高明兮樓棲惟善良兮德躋充璆琳兮圖史遠璫囂

兮輪蹄酒介壽兮伯氏

古愚

穀綢直兮編黎魚影行兮

藻困雞聲悄兮桃溪琴再疊兮晝寂豁然呈兮端倪

懷之激兮樓矗本漸義兮澹慾煙千突兮彌繚雨一成

兮旁沃開北海兮碩尊送中散兮遐目龜何曳兮泥尾  
馬胡跋兮塵足諒勞生兮焉休庸詠歌兮于勗琴疊三  
兮斯夕月入窗兮露肅

懷哲操

有序

懷哲美買閭教授敬親愛弟也惟敬愛也不以禍亂  
窮羈少渝焉構堂名一樂前朝儒公卿頌述備至而  
琴操缺遺故予補之云

朝堂兮誦書思君陳兮履絢暮闡兮詠詩思張仲兮履  
綦天道兮人事柄鑿兮齟齬茲樂兮蓋難匪人兮天與